

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

7. An effectus causam volu[n]tariam consequutus voluntati imputetur
tempore, quo in nostra potestate non est.

urn:nbn:de:hbz:466:1-14077

¶ finito tempore posideret, tacite precarium renouari; quia dominus, cum patitur rem precario posiderit, tacite intelligitur eam precario concedere: subiungitur: Ceterè si interim dominus fuisse cuperit, vel decesserit, precarium non redintegratur. Hoc ideo constituit lex, quia furiosus, vel defunctus, nisi expressè precarium confirmauerit, non creditur tacite confirmasse. Ergo in furore, vel morte voluntas præcedens, etiam non mutata, non intelligitur permaneare. Item in l. Qui ad certum, ff. Locati, statutum erat, finito tempore conductionis, colono in fundo permanente, fundum ex integro locari: quia eo ipso, quod dominus patitur colonum in fundo esse, intelligitur locationem renouare: subiungitur: si interim dominus fuisse cuperit, vel decesserit, locatio non redintegratur. Ergo lex insinuat, priorem voluntatem, etiam si non varietur in furioso, vel mortuo, non permaneat. Item in l. si tibi, §. Vnius, ff. de optione, vel electione legata, decernitur hoc modo: Vnus homini mibi, & tibi optio data est, quia Titius legavit mibi, ut unum ex servis suis optarem, & deinde eodem modo legavit tibi, ut optares, & decessit; & ego postea optavi Caium seruum Titij, & tu quoque postea eundem Caium optasti: Caius est communis virisque, mibi, & tibi serui; nisi ego, cum optasse, mutassim voluntatem, quod si postquam optasse, & antequam tu optares, decessisse, aut furiosus factus essem, non eris seruus communis; quia non vidor consentire, qui sentire non possem. Humanus autem erit, ut & in hoc casu, quasi semel electio facta, fiat seruus communis. Haec tenus lex. Ex qua colligitur, priorem voluntatem etiam non mutatam post furorem, aut mortem non permanere. Præterea in l. Inter causas, & l. si quis alium, §. morte, ff. mandati, & in l. Mādatum, C. Māndati, & Instit. De Mandato, §. Non tantum, aperte dicitur, mandatum morte domini finiri. At verò contrarium in alijs legibus videtur confitui, nam in l. Soluto, §. Voluntatem, ff. Soluto Matrimonio, cum statutum esset, filiam, nisi euidenter contradicat, eo ipso consentire, cum pater agit de dote; subiungitur, quasi ex voluntate patrem experiri, si furiosam filiam habeat, nam ubi non potest per demeniam contradicere, consentire quis meriti creditur. Hæc in lege. Item in Instit. De Codicillis, §. Non tantum, statuitur, Codicillos sive ante, sive post testamentum factos, ipso Iure tacite confirmari in testamento, vel præcedenti, vel sequenti, si appareat, eum, qui testamentum fecit à voluntate, quam in Codicillis exprefserat, non recepisse, licet olim codicilli non valerent nisi testamento exprefse confirmarentur. Præterea in cap. A nobis. 2. De sententia excommunicationis, constituitur, ut excommunicatus, in quo signa debita pœnitentia præcesserant, absoluatur post mortem: quia intelligitur in ea pœnitentia voluntate decessisse. Item in Concilio Carthaginensis. 3. can. 34. & refertur, de consecr. Dist. 4. cap. Aegrotantes, statutum est, Infirmos, qui pro le refondere nō possunt, cum voluntas eorum testimonium sui dixerit, baptizandos esse. Ergo Concilium insinuat, voluntatem præcedentem, à qua nō est recessum, in ipsa aëgritudine permanere. Item ut colligatur ex C. Paruili, de consecr. d. 4. Subito obmutescens baptizari, aut pœnitentiam accipere potest, si voluntatis præterita testimonium aliorum verbis habet. Tandem in cap. Maiores §. vltimo, De Bap-

tismo, & eius effectu constituitur, Dormientes, & amentes, si prius, quam amentiam incurrent ut dormirent, in contradictione periferent: quia in eis intelligitur contradictionis proposatum perdurare, si sic fuerint baptizati, characterem non suscipiant. Secus autem si prius Catchumeni existissent, & habuissent proppositum Baptismi. Vnde tales in necessitatibus articulo consuevit Ecclesia baptizare. Haec tenus constitutio. Quapropter colligit Sotus, si Titius inquit, adulatus sciens quid sit, finat se baptizari, vngi oleo, confirmari, vel ordinari, eo ipso videtur tacite consentire. Ne igitur huiusmodi leges sibi contraria esse videantur, animaduertendum est in his, in quibus satis est non contradicere, Iura flatiuere, priorem voluntatem, si quis ab ea non recesserit, permanere in amentia, ebrietate, somno vel aëgritudine: In his vero, in quibus necessarius est consensus, eadem Iura constiunt, voluntatem præcedentem non perdurare, etiam si in ea variatio facta nō fuerit. Postiores supradicta leges de priori casu loquuntur: priores vero constitutioes de posteriori casu oportet intelligi.

Cap. VII.

An effectus causam voluntariam consecutus, voluntati imputetur tempore, quo in nostra potestate non est.

SOLET in questionem vocari ob multos rerum enentus, An effectus, qui causam voluntariam consequitur, sit voluntati imputandus eo tempore, quo ita ex causa antea data contingit, ut in nostra potestate nō sit? De qua re agit Alcidiodesensis in Summa lib. 2. Tract. 2. cap. 1. q. 4. & cap. 2. q. 3. Bonaventura 2. Dis. 22. art. 2. q. 3. Gab. 2. Dis. 22. q. 2. art. 2. conclus. 3. & Dis. 41. q. 1. art. 3. Dub. 3. Almainus Tract. 1. Moral. cap. 5. Cordubensis lib. 2. De Ignorancia q. 18. Calistrus lib. 2. De lege penali cap. 14. Courtruius in Clement. Si Furiosus, De honest. part. 3. initio, num. 4. Si Thomas 2. 2. q. 150. art. 4. & 4. 79. a. 3. ad 3. & 1. 2. q. 71. art. 5. Marfilius in 2. q. 21. art. 2. membr. 9. & q. 113. membr. 7. Maior in 4. Dis. 17. q. 8. & Dis. 9. q. 2. Buridanus lib. 3. Ethico. q. 10. Sotus in 4. Dis. 12. q. 3. art. 7.

In hac questione possunt multi casus accidere, veluti si Titius sponte sua incidat in ebrietatem, & postea in ebrietate destitutus via rationis, aut multa bona prestat, aut peccata committat. Queritur, an eiusmodi bona, vel mala in ebrietate admissa in eius voluntatem conferantur. Item culpa sua factus est furiosus, vel amens, & in furore, vel amentia delinquit ac peccat in legem. An ea peccata sint in eo voluntaria? Præterea, Titius ventri, & gula scinderet indulget, ex quo postea in somno polluitur. An nocturna pollutio per quietem ex nimio cibo, & potu profecta, sit in eo voluntaria, & peccatum? Mane etiam quis somno se dedit, & cum Missa sacrificio deberet interesse, ut par erat, cum dies facer esset, id omittit somno oppresus. An ea præcepti omissione sit vitio, & culpæ tribuenda? Ad hæc, Titius mitit sagittam, ut Caium interimat, ad quæ priusquam illa perueniat, eum facti pœnitet, & deinde Ca-

ius fa-

Sotus 4. de
stim. 3. q.
un. art. 7.

16

ius Sagittae i&tu percussus perit; Qu&eritur, an Caij c&edes Titio, licet poenitenti, ac dolenti cul pé sit danda. M&ada item Titius seruo suo vti Caium occidat, quod antequam eueniat, voluntatem Titius renocat: nihilominus tamen seruus interim Caium interficit, An Caij mors sit in Titij voluntatem referenda etiam eo tempore, quo voluntatem mutauit, & c&ad eum impedire non potuit. Item Titius Caium vulnerat, & vulneratus dies aliquot le&cto decumbit; interim Titius dolet Caium vulnerasse, & Caius vulnere perire, an Caij interitus vna cum vulnere sit voluntate, & culpa Titij subsequitur? Pr&aterea Titius multis negotiis distractus sui debiti muneris obliuiscitur; & ideo officium, quod pr&astare debebat omittit, an Titius in huiusmodi omissione delinquit.

In hac qu&stione du& sunt opiniones, Prima docet, effectum ex causa voluntaria natura, voluntati minime imputari eo tempore, quo ita ex causa data naturaliter profluit, vt iam amplius in potestate voluntatis non sit. Primo, quia non potest esse voluntarium, quod non est in nostra potestate. Deinde, quia nemo in somno, ebrietate, furore, vel amentia promereri aliquid potest: ergo nec peccare: nam sicut in peccato libertas requiritur, sic eti&a in merito. Item quia si ego quipiam mali vellem, & antequam id re ipsa subsequeretur, voluntate recederem, deinde vero effectus me nolente continget, ego peccasset: quod videtur absurdum: fieri enim potest, vt ego ex vera cordis poenitentia voluntatem depositum Dei gratiam consecutus, quam non possum amittere ex effectu contra meam voluntatem subsecuto. Accedit his, quod cum dormit quis, vel furiosus, amens, aut ebrius est, ysu rationis amissio, perinde est, ac si infans, vel animal expers rationis fuisset, in quibus peccatum esse non potest; pr&esertim cum ex opposita ratione conficeretur, vt si Titius culpa sua in morbum incidisset, ex quo pr&cepta exequi, & pr&astare non posset, in eo peccata essent omnes pr&ceptorum omissiones: Aut si Titius presbyter lögum iter conficiens, codicem precatum sponte sua à se abieret; aut amitteret, ac deinde eum facti poeniteret; in eo peccatum esset qu&cunque diuini officij omissione postea subsecuta. Immo sequeretur etiam, vt Titius, si prauum peierand habitum acquisisset, quem postea abijcere conaretur, ex prauo habitu, etiam nolens, aut prorius ignorans, quod loquitur, peierans assidue peccasset, quod reuera est absurdum: quia cum quipiam agimus, facimus sola imaginatione duci, ex habitibus nec laudamur, nec vituperamur, sed ex actibus humanis ratione, & voluntati libera factis: actus autem ex habitu solo proficiscentes contra voluntatem nostram, voluntarii esse non possunt. Huius opinio&nis sunt Gabriel, Almainus, Maior, Cafrus, Codarruias, Cordubensis. Secunda opinio est, effectum causam voluntariam subsecutum, voluntati imputari debere eo etiam tempore, quo in potestate nostra non est. cuius sententiae sunt Alexander, Altisodorensis, & S. Thomas, Sotus, & ali jüniores, eamque probant. Primo, quia voluntarium potest esse aliquid in causa, & origine: nam qui vult antecedens, aut causam, eo ipso vult etiam consequens,

aut effectum. Item quia omnis actus exterior ex imperio voluntatis, & rationis profectus, solum est voluntarius, vt in causa, in ipso actu voluntatis, & rationis; ergo ad hoc, vt aliquis effectus sit voluntarius, sufficit voluntas antecedens. Addit, quod Aristoteles laudat eos legislatores, ex quo rum legibus ebrii dupli poena plectuntur: tum quia sponte, & culpa sua facti sunt ebrii: tum quia in ebrietate, mala saepe committunt. Accedit his, quod si Titius verbi gratia dum vigilat, nocturnam in somno pollutionem futuram aut optet, & expectet, aut studiosè curet; dubitari non potest, quin nocturna pollutio postea in somno subsecuta voluntaria sit; siquidem aut operata, aut etiam expectata, quiesita, & attentata contingit. Pr&aterea, quia si Titius contra sui domini mandatum dormiat, torus illius somnus est voluntarius; & tam postquam dormire coepit, non amplius reliqua somni pars est in eius potestate. Ultimo furiosus, vel ebrius, vel dormiens potest baptismate ablui, confirmari, à peccatis absolu&n, vngi oleo sacro, ex praecedenti, quam habuerit voluntate, à qua ille ante furorem, somnum, vel ebrietatem nullo modo recesserat.

In hac re sanè magni, & grauis momenti, quae ad plurima definienda conducit, mihi quedam dicenda sunt: Primum, nullum effectum malum ex quacunque voluntate, vel causa voluntaria proficiscentem voluntati tribui, si per veram poenitentiam emendata, aut per contrariam animi affectum deposita, derelictaque sit prior voluntas. Hoc docent Sotus, Maior, & ali jüniores. Ratio verò id firma, & efficax comprobatur, quia eo ipso, quod à priori voluntate receditur, iam non ex ea, sed aliunde effectus naturaliter emanat. Velut si Titius Caij seruus se abijciat, & pr&cipiter in puteum, vel foueam, vnde exire non possit, & eum sui facti poeniteat, in voluntatem eius conferri nec debet, nec potest, quod domini sui iussa non faciat interim dum in puto, vel fouea iacet sua sponte prostratus. Pari modo iudicandum est de ceteris similibus: Veluti si Titius sponte, vel culpa sua somno se det, si ebrius, vel furiosus, vel amens factus sit; si denique in agritudinem, periculum, aut eam vita conditionem deuenerit, vt ea pr&astare nequeat, quae alioqui eum obire oportebat. In his enim omnibus in Titij voluntatem nequaquam sunt coniencia aut bona, qua geruntur, aut mala, qua patrantur, quacunque voluntatem priorem mutauit. Consequitur etiam, vt si Titius mandatum, quo iuficit Caium interfici, reuocauerit, in ipsius amplius voluntatem conferenda non sit cedes Caij postea subsecuta. Eodem modo si lethali vulnere Caium afficerit, ac deinde doluerit, se eum vulnerasse, & post aliquot interim dies Caius vulnere examinatus interiri. Deinde mihi videtur longe probabilius, & verius, neminem in somno, ebrietate, furore, vel amentia ex quacunque culpa prouenienti etiam per veram poenitentiam non sublata, aut per contrariam voluntatem non mutata peccare: quod tradunt Gabriel, Maior, Codarruias, Cafrus, Almainus, Cordubensis quibus supra diximus locis. Ratione id comprobatur: non enim peccat quis in eo, quod cauere, & de-

Arist lib 3
Ethico. c. 5.
Op. lib. 2.
Politic. 10.
infine.

NB

*August. li.
22. contra
Faust. c.
44. & re-
fertur 15.
q. 1 cap.
in ebriet.
Verant.
Ambr. li.
de Paixar.
Abraha c.
8. & refer-
tus 15. q. 1.
e. Jane.
Hieron. ad
Euseb. De
custo. vir-
ginitat.
Origen in
Gene. ho.
3. quos duos
autores ci-
tar Conar.
loco suprà
citato.*

clinare nō est in sua potestate; sed nemo in somno, ebrietate, vel amentia, quando rationis compōs non est, potest impēdere, aut deuītare effēctū, etiam si culpa, & voluntate p̄cedenti somnus, ebrietas, vel amentia contigerit: nec est maior ratio, cur tunc mala potius tribuantur voluntati, quam bona, sed tanquam certum communi sententia receptum est, neminem in somno, ebrietate, vel amentia mereri aliquid posse. Et certe ex Augustino, Ambroſio, Hieronymo, & Origene colligi videatur hēc sententia. ait enim Augustinus, culpandum est Loth, non quantum incestus in ebrietate admisus, sed quantum ebrietatis meretur. Terrō dicendum est, in his, in quibus non requiritur consensus, sed satis est non contradicere, ut quis tacite consentiens habeatur, p̄cedens voluntas perseverat in somno, ebrietate, vel amentia, si ante non fuerit per contraria voluntatem deposita. In ijs verò, in quibus est necessarius consensus, antecedens voluntas non creditur in ebrietate, furore, vel amentia permanere, etiam si ab ea recessum non fuerit. Ideo in sacramentis recipiendis, quoniam satis est, si voluntas non sit contraria, merito in amentia, ebrietate, vel furore ablui sacro baptismatis fonte potest, confirmari, absoluī, vngi, vel ordinibus initiari, si horum voluntas p̄cesserit, nec fuerit mutata. Sic etiam potest absoluī ab excommunicatione, ac ceteris Ecclesiasticis censuris, lententij, & poenit. at verò ad meritum, culpm sue peccatum necessarius est consentus: quare in amentia, furore, ebrietate, vel somno nemo mereri, aut peccare potest.

Quod si objicias, sufficere p̄cedentem voluntatem, p̄fertim quando effēctus in ebrietate, amentia, vel somno subsequitur, antea optatus, expectatus, aut etiam studiosè conquistus. Respondeo, tunc temporis meritum, vel culpam totam fuisse in voluntate, & causa p̄cedenti; id verò, quod postea subsecutum est, esse quidem effēctum peccati, non tamen peccatum: fuit autem culpa in causa, quia poterat voluntas, & debebat causam auertere, & summuere, quod tamen non fecit: sed in effēctu peccatum non est, quia cūm est subsecutus, in potestate voluntatis non fuit. Quarto dicendum est, saxe aliquem incidere in poenas Iuris humani ob effectum ex culpa enatum, etiam si quando sublequitur, voluntarius, aut peccatum non sit: ut colligatur ex cap. Si quis. 15. quest. 1. vbi dicitur, leuiorem poenitentiam esse imponendam ei, qui infans a lium occiderit: veluti si Titius telum in clericum iaciat, & mox antequam ad ipsum perueniat, incipiat dolere, incurrit in excommunicationem, cūm postea telo clericus vulneratur. Sic etiam contraria irregularitatē, si sagitta in aliū immissa ipsum intermitat. Pari modo nascitur obligatio restituendi damnum ex eo effēctu creato, quoniam poena non tantum malefacientibus irrogantur ob voluntatis effectum, sed etiam ob externum effectum inde procreatum. Item, obligatio restituendi damnum, potius oritur ex ipso effēctu, quo damnum est alteri illatum, quam ex voluntatis effectu. Merito igitur Aristoteles sensit, ebrios dupli poena esse plementos: tum quia apud homines puniuntur ef-

fēctus ex peccato profecti. quoniam tametsi peccata non sunt, sunt tamen alijs incommodi: tum etiam quia aliquando ebri rationis viu non omnino, sed ex parte priuanur. Rogabis, si Titius vulneret Caium, & deinde Caio ex vulnere in lecto decumbente, peccatum suum sacerdoti sacra confessione fateatur, postea verò Caius ob vulnus intereat, debeat ne Titius de integro confiteri, se hominem occidisse, an verò latus ei sit, prius fuisse confessum, se lethale ei vulnus inflixisse. Similiter si Titius, dum vigilat, optauerit, aut studiosè, & sollicitè nocturnam in somno pollutionem subsecuturam curauerit, & mox ante somnum peccati p̄enitens confiteatur, se voluntarie pollutionis causam in somno dedisse, & postea pollutione in somno contingat, num ipsis iure compellatur ad confitendum denuo, se in somno ex voluntate antecedente pollutum; an verò sufficiat sola, quam fecerat ante, confitio? Sotus negat, confessionem p̄cedentem sufficere: ideo nimurum, quia putat eadem hominis, & pollutionem noua confessione explicandam, eo quod sit cædes, vel pollutione ex culpa p̄cedenti profecta. Sed contra hoc in primis vim habet argumentum: nam tametsi eiusmodi damnum, & incommodum ex p̄cedenti voluntate sit natum, peccatum tamen non est, quia Titius priorem voluntatem iam penitus exuerat. Item latus esse videatur, si Titius in priori confessione exprefliter, se causam idoneam, & efficacem mortis, & pollutionis præbuisse. Quare dubia est, & incerta hac in re Soti sententia. Alio verò ratio est de actu exteriori, aut de mandato alteri dato, quando à voluntate priori non receditur: tunc enim actus exterior, aut per nos ipsos, aut per mandatarium opere compleatur, & voluntati tribunur, cum denitari potest, ac debet, & id non sit, arque ideo in confessione est exponentus eo ipso, quod malus est per se, quoniam ratione recte dissentaneus, atque contrarius: & voluntatis obiectum, & terminus, qui in actu mentis internum, ut causa deformitatem, & turpitudinem transfundit.

Cap. VIII.

*Quando voluntas in actibus subsequen-
tibus potestate duntaxat perma-
nere intelligatur.*

NON est modū facilē cognoscere, quo modo, & quamdiu voluntas, qua p̄cessit potestate permaneat in actibus subsequentibus, quando illos p̄fiamus nihil actū cogitantes de fine, quem nobis initio proposimus. Altisiodorensis putat, voluntatem p̄cedentem in actibus subsequentibus vi, & potestate perdurare, donec per contrarium actū ab ea recedatur, vel temporis decursu ea finitur. Veluti si Titius animo suo statuerit clargiri eleemosynam pauperibus fibi in via occurrentibus, donec ad certum templum, quod pergit peruenierit: huiusmodi voluntas ipso temporis processu finitur, quia vix ad certum tempus erat ab initio constituta, & designata. quod si ad certum tempus non fuisset, in ea Titius perseverasset, donec per con-

*Altisiod.
in summa
li. 2. Tract.
29. cap. 3.
quest. 3.*

trarium